



Na osnovu člana 20a. Zakona o radu Federacije Bosne i Hercegovine („Službene novine Federacije BiH“ br. 26/16 i 89/18), člana 3. u vezi sa članovima 6. i 7. Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo br. 19/21, 10/22), člana 13. Jedinistvenog Pravilnika o radu Univerziteta u Sarajevu broj: 02-89/19 od 19.09.2019. godine, Odluke Vlade Kantona Sarajevo broj: 02-04-10691-34/22 od 17.3.2022. godine, Univerzitet u Sarajevu - Pravni fakultet raspisuje

JAVNI KONKURS za prijem radnika u radni odnos

1) VIŠI STRUČNI SARADNIK ZA PRAVNE I PERSONALNE POSLOVE 1 izvršilac, puno radno vrijeme, na neodređeno vrijeme

Uslovi:

Pored općih uslova utvrđenih Zakonom o radu („Službene novine FBiH“, broj: 26/16 i 89/18), kandidati trebaju ispunjavati i sljedeće posebne uslove:

- VSS/240–300 ECTS bodova, završen Pravni fakultet
- 4 (slovima: četiri) godine radnog iskustva na istim ili sličnim poslovima i zadacima
- znanje engleskog ili drugog stranog jezika
- poznavanje rada na računaru

Mjesto obavljanja rada:

Univerzitet u Sarajevu - Pravni fakultet, Obala Kulina bana 7, 71000 Sarajevo

Iznos osnovne plaće:

1.353,00 KM

Radno vrijeme:

08:00 – 16:30

Opis poslova:

- praćenje i analiziranje propisa u vezi sa radnim odnosima, visokim obrazovanjem, naučnoistraživačkim radom i radom Fakulteta uopće,
- vođenje zapisnika na kolegiju, te zapisnika na sastancima u kojima sudjeluje Dekan,
- sudjelovanje u izradi općih akata Fakulteta,
- vođenje evidencije iz područja radnih odnosa svih zaposlenih,
- izrađivanje akata u vezi s radnim odnosom zaposlenika,
- obavljanje svih poslova vezanih uz status zaposlenika i ostvarivanja prava iz zdravstvenog i penzijsko-invalidskog osiguranja,
- sastavljanje i dostavljanje traženih izvještaja,
- obavljanje i drugih poslova po nalogu Dekana i Uprave fakulteta.

Potrebni dokumenti (original ili ovjerene kopije)

- vlastoručno potpisana prijava kandidata
- kratka biografija/CV kandidata
- uvjerenje o državljanstvu (ne starije od 6 mjeseci)



- izvod iz matične knjige rođenih
- diploma sa dodatkom diplomi/uvjerenjem o položenim ispitima
- dokaz o radnom iskustvu u struci (potvrda poslodavca)
- ovjerenu izjavu da nije otpušten/a iz organa uprave ili javne ustanove kao rezultat disciplinske mjere
- dokaz o poznavanju rada na računaru
- dokaz o znanju engleskog ili nekog drugog svjetskog jezika

NAPOMENE:

Probni rad

- Za navedenu poziciju je obavezan probni rad u trajanju od 3 (slovima: tri) mjeseca.

Provjera znanja

- Sa kandidatima koji budu ispunjavali opće i posebne uslove, obaviti će se pismeni i usmeni ispit.
- Kandidati mogu kod poslodavca preuzeti pitanja za pismeni ispit, listu propisa i literature iz oblasti iz kojih će se polagati usmeni i pismeni ispit, a iste mogu pronaći i na web stranici poslodavca - <https://www.pfsa.unsa.ba>

Prednost u zapošljavanju po posebnim propisima

Prioritet u zapošljavanju imaju osobe obuhvaćene članom 23. Zakona o dopunskim pravima boraca/branitelja Bosne i Hercegovine ("Sl. novine Kantona Sarajevo", br. 45/12, 26/14, 46/17, 18/19, 20/20 i 18/21). Kao dokaz da su obuhvaćeni ovim zakonom, kandidati, uz prijavu na Javni konkurs prilažu i odgovarajuće dokumente (potvrde, uvjerenja i sl.), a odabir ovih kandidata vršit će se u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo, općinama u Kantonu Sarajevo („Službene novine Kantona Sarajevo 37/20, 27/21).

*Popis dokumentacije kojom se dokazuje status korisnika po predmetnoj Uredbi:

Redni broj:	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida- poginulog, umrlog i nestalog branioca i - Uvjerenje o učešću u Oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu



3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioci	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a)ratnog vojnog invalida b)dobitnika ratnog priznanja i odlikovanja c)demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko-invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruge ratnih vojnih invalida	Uvjerenje o statusu supruge ratnog vojnog invalida – Rješenje o priznatom svojstvu na invalidninu	Općinska služba za boračko - invalidsku zaštitu

Način i rok predaje prijava

Vlastoručno potpisane prijave sa potrebnom dokumentacijom i kraćom biografijom (ime i prezime, broj telefona, e-mail adresa, tačna adresa stanovanja) se dostavljaju u zatvorenoj koverti sa naznakom „NE OTVARAJ - PRIJAVA NA JAVNI OGLAS“, u roku od **10 (deset) dana** od dana objave ovog konkursa u dnevnim novinama i na internet stranicama Univerziteta u Sarajevu - Pravnog fakulteta (<https://www.pfsa.unsa.ba>), Univerziteta u Sarajevu (<https://www.unsa.ba/>) i Službe za zapošljavanje Kantona Sarajevo (<https://szks.ba/posao/>), lično ili putem preporučene pošiljke na adresu sjedišta poslodavca:

UNIVERZITET U SARAJEVU - PRAVNI FAKULTET
Obala Kulina bana 7
71000 Sarajevo

Kontakt osoba: Almira Humačkić – broj telefona: 033/206-360.

O rezultatima konkursa svi prijavljeni kandidati biće obaviješteni u pismenoj formi, u skladu sa odredbom člana 18. Uredbe o postupku prijema u radni odnos javnom sektoru na teritoriji Kantona Sarajevo („Službene novine Kantona Sarajevo br. 19/21, 10/22).

Nepotpune, neblagovremene i neuredne prijave (kopije tražene dokumentacije koje nisu ovjerene) neće se uzeti u razmatranje.

Kandidati koji budu izabrani, dužni su dostaviti uvjerenje o zdravstvenoj sposobnosti za obavljanje poslova propisanih za radno mjesto za koje je konkurisao, te uvjerenje da se protiv istog ne vodi krivični postupak.